



SICONDA SESSIONE URDINARIA DI U 2017
RIUNIONE I 21 E 22 SETTEMBRE

N° 2017/O2/057

DUMANDA URALE POSTA DA U SGIÒ Paulu Santu PARIGI
À NOME DI U GRUPPU « FEMU A CORSICA »

OBJET : **GESTIONE DI A RISOLSA IN ACQUA DOPU À A SICCHIA 2017.**

O sgiò Presidente,

Pè a nostra isula, st'annu 2017 oramai hè una riferenza trattendu si di sicchia è trapassa, à più di un titulu, u millesimu 2003. St'annu pone a quistione di a sfida ligata cun l'acqua è ne face una primura cumpletta.

L'effetti di u cambiamentu climaticu si vedenu chjaru chjaru : tempu più longu chì l'acqua cala, piove di menu da u veranu, senza cuntà, e piene chì anu da vene.

Di sicuru sapemu bè chì issa quistione trapassa propiu u quattru attuale di l'OEHC.

Ma vogliu esse quantunque u portaparolla d'eletti lucali di u rurale chì anu vissutu ind'è l'angoscia u periudu di a statina, cunfruntati ch'elli sò stati à volte cù i prublemi d'acqua da beie, sana sana o in parte. Pensu dinù à e terreni agriculi spessu in difficoltà pè purtà ci l'acqua in e zone di muntagna o di piaghja, è poste fora di e rete idroliche di l'OEHC.

O sgiò Presidente, aviate dettu, durante a pruiezzione di u Pianu di a Vasca d'Adattazione à u Cambiamentu Climaticu, chì a Corsica si era scurdada l'annu 2003 subitu ch'ellu era piossu durante l'auturnu, è ch'ellu ùn ci vulia micca à fà listessa cosa scurdendu si di l'annu 2017.

Fermu cumè tandu, eiu facciuoghje listessa cosa. L'annu 2017 deve diventà quellu di a nostra voluntà di adattà a Corsica à u cambiamentu climaticu.

Ed hè per quessa chì, eiu è i mo colleghi di a Magiurità Territoriale, s'è no sustenimu tutta l'azione di u Cunsigliu Esecutivu, aspettemu una risposta chì fussi à l'altura di e sfide in issu duminiu. L'aspettemu tantu più chì unepochi trà i vostri predecessori anu propiu mancatu di pensà capunanzu à issiu affare custindi.

Dunque parechji punti un complementu di spicazione.

Trà issi pensieri nostri ci hè, cun l'attualità, a quistione di l'alimentazione in acqua di a Balagna è u prublema di a presenza di cianobatterie in a ritenuta di E Cotule. Ci hè dinù quella di a prima vucazione di l'uffiziu è a gestione di stagione di l'irrigazione agricula, chì ne dicate e difficoltà per sti primi di settembre.

È po per finisce ci hè quella di l'avvene, a più chì impreme. Di fatti, o Sgiò Presidente, credu ch'ellu ùn ci hè più bisognu oghje di demustrà l'impurtanza di a risolsa in acqua pè a nostra isula in tutte e so dimensione ; dunque ci puderate fà parte di a strategia ch'ellu conta di sviluppà l'OEHC pè i prossimi trenta anni ?

Ci pudete dinù infurmà, O sgiò Presidente nantu à i trè punti ammintati in quantu à a prublema di u sbarramentu di u Reginu, di l'agricultura è di u prugettu?

À ringrazià vi.